



# Synfocity = 728

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

April 12, 2019

## ☐ **Synod Moderator leh Mizoram Synod Choir**

April 9, 2019 (Thawhlehi) chawhnu dar 1:30 khan Synod Moderator Rev. R. Lalhmingthanga hovin, Synod Choir leh Central KTP hruaitu pathumte Wales panin Aizawl an chhuahsan. Synod Choir-te hi International Choral Festival Wales-a neih turah an tel dawn a. He zaipawl inkhawmpui hi Wales Millennium Centre, Cardiff Bay-ah April 19-21, 2019 chung hian neih a ni ang. Mizoram Synod Choir te hi Codetta Youth Choir of Derry, Ireland, Cantabile Choir of Hereford, England leh Wales aṅanga tel zaipawlte nen intihsiak an hmachhawn dawn a ni. Zaipawl intihsiak ni tak tur hi April 20, 2019 hian a ni ang. International Choral Festival Wales ngaihtuah chhuaktu ber hi kum 2014-a Synod Choir te zuk telna, Llangollen International Musical Eisteddfod-a an music director thin tho, Eilir Owen Griffiths a ni a, University of Wales - Trinity Saint David a Performing Arts Senior Lecturer a ni. Wales-ah hian zaipawl inkhawmpuia an tel bakah, Synod Moderator ho hian Wales-a Presbyterian Church of Wales-a kohhran hote tlawhin rawngbawlna an nei baw ang. Central KTP hruaitute aṅangin leader, Rev. Dr. K. Lallawmzuala, Asst. Leader Upa Rosangliana leh Synod Choir Director Dr. David C. Vanlalfakawma te an kal.

## ☐ **Tumkau Ni (Palm Sunday)**

April 14, 2019 (Pathianni) hi Tumkau Ni a ni. Kum 1998 Synod chuan Tumkau ni hi Nilai leh Beihruah Thupui Bu-a tihlan thin turin a rel a. Chu thu chu bawhzuin SEC chuan Sunday School tibuai lova inkhawm tum khat buatsaih thin turin a ti a. Kum 2007 aṅang erawhchuan inkhawm tum hnih buatsaih thin a ni ta a ni. Chawhnu leh Zan inkhawma zir tur thupui in ang tlang Synod chuan hetiang hian ruahmanna a siam.

Chawhnu inkhawm:

Thupui : Lal Isua fak leh chawimawi hi kan tih tur a ni

Chhiar tur : Lk 19 : 29 - 40, Zak 9 : 9

Zan inkhawm:

Thupui : Isua chu Lal a ni.

Chhiar tur : Phil 2 : 5 - 11, Thup 3 : 19 & 20

## ☐ **Finance**

April 13, 2019 (Inrinni) hian Thuampui Bialah Bial Kohhran Hmeichhe pualin Sum vawn dan training neih a ni dawn a, Pu Zaihmingthanga Fanai, Accountant, Upa David Lalnunfela, O/A leh Upa P.C Vanlalrova, O/A te an kal ang.

## ☐ **Synod Mission Board**

♦ March 20 - 22, 2019 chung khan Arunachal North Field chuan Jonai-ah Field Worker Evangelist te pualin training neih a ni a. Subject hrang hrang - Survey of the Bible, History of Christiannity, Church Administration, Outlines of Christian Theology, Worship, Discipleship, Presbyterianism tih te chu Pastor-ten paper tha taka buatsaihin an zirtir thin a ni.

♦ Arunachal North Field chuan a wawi khat nan March ni 11 khan Field pum huapin 3rd Field Rising Day hun an hman a. Pastor Bial hrang hrangah, Field chanchin tawi sawiin lawmthu sawia inhlan tharna ṅangtai rual bakah, Kohhran leh vantlang tana thil?ha (Social Work) tih nan Bial chung hmun hrang hrangah neih a ni.

♦ April 7, 2019 khan Siliguri Field huma chungha Jaigoan Pastor Biala Chuapara hmunah ringthar Puitling 5 in bapisma an chang.

♦ April 7, 2019 khan Garhwal Mission chu Delhi Field enkawlina hnuai awm turin SMB in a la fel ta a ni. Garhwal Mission hi kan Synod Moderator lo ni tawh Rev. Lairotluanga te nupa in 2009 vela hma an lo lak ṅan a ni a. April 7 Pathian Ni khat an awmna hmun GOPESHWAR(Uttarkhand state)-ah Rev. Lairotluanga'n Delhi Field Secretary Rev. R. Lalrosiama hnenah an ringthar neih kohhran member 177(a ram mi thawktu 4 nen) a hlân a ni. He Garhwal Mission hi BEC rawtna pawmin SMB-in field chungha rawngbawlina hma thar atân a la fel ta a ni.

## ☐ **ATC**

April 12, 2019 (Zirtawpni) chawhnu dar 2 hian Aizawl Theological College chuan ATC Chapel-ah Valedictory Sevice an hman.

## ☐ **SL&PB**

April 12, 2019 (Zirtawpni) chawhnu dar 2:30 hian Synod Conference Centre-ah lehkhabu thar "English - Mizo Dictionary" tlangzarhna hun an hman.

Contd...

- ❑ **Synod Worship Dept.**  
 April 9 & 10, 2019 khan Thaidawr Kohhranah Zai hruai training neihpuiin Pu Lalromawia, Senior Instructor a kal.
- ❑ **MSSU**

  - ◆ April 13, 2019 (Inrinni) hian Hmawngbu Bialah Sunday School Zirtirtu training neihpui turin Upa Lalthahluna Ralte, MSSU Asst. Coordinator leh Upa F. Zakhuma, MSSU Trainer te an kal ang.
  - ◆ April 13, 2019 (Inrinni) hian Bungtlang South Bialah Sunday School Zirtirtu training neihpui turin MSSU trainer te - Upa Zohmangaiha leh Upa C. Lalbiaksanga te an kal ang.
  - ◆ April 13, 2019 (Inrinni) hian Leitan Kohhranah Sunday School Zirtirtu training neihpui turin Pu John Lalhruaitluanga, MSSU Asst. Coordinator leh trainer te - Upa Lalhmachhuana leh T. Upa Lalrindika te an kal ang a, zan inkhawmah Upa Lalhmachhuana, trainer-in Fanau enkawl chungchang thuchah a sawi ang.
- ❑ **Kohhran Hmeichhia**  
 April 11 & 12, 2019 hian Synod Multipurpose Training Centre, Mission Vengthlangah Central Kohhran Hmeichhe Committee chuan Retreat leh Leadership Training an nei a. Rawngbawlina atana tangkai tur pawimawh tak tak zirna neih a ni. April 11 zanah Rev. R. Vanlalnghaka, Synod Secretary-in “Mahni Inphat Nun” tih thupuia hmangin Pathian thuchah a sawi a. April 12 zingah Rev. B. Sangthanga hnen atangin Pathian Kohna chungchang leh rawngbawltu nun atan a thu pawimawh tak tak ngaihthlak a ni. Heng bakah hian Central Committee Member te rawngbawlina kawng hrang hrang inhriattirna leh infuih tharna hun hman a ni. Central Committee member 44-ah mi 42 an kal thei a ni.
- ❑ **Synod Revival Dept.**  
 April 2 - 6, 2019 chhung khan Synod Revival Camping Centre, Neibawihah Camping neih a ni a, Speaker Pu Lalsanglura Ralte, Sons of God Team a ni. Camp-a lut zawng zawng hi mipa 65 leh hmeichhia 7, an vaiin 72 an ni a, engemaw harsatna thil avanga camp awm tluan thei lo an awm bawk. Camp-ah hian kohhran pawl dang atangin 1 leh veng hrang hrang 17 atangin an lut a ni. Camp chhunga mawhphurhna hrang hrang hi Dawrpui Pastor Bial ten an buaipui a ni.
- ❑ **Synfo**

  1. Telegram-ah Synfo chanchin thar - SYNFO CHANCHINTHAR tih chu siam a ni a, hetah hian Synod Chanchinthar post reng a ni a, a zawm duh tan link <https://t.me/joinchat/MJmPjEcQaXnRCRlIB1peg> atangin a zawm theih a ni.
  3. Hruaina Eng channel pawh thuan that mek a ni.
  4. Hruaina Eng TV Programme Susamachar Prasaran programme pawh hmuhdawm leh changtlung zawk tura hmalak mek a ni a, Pathianni tlai dar 5-ah tihchhuah thin a ni a, thlirtuten min lo thlirsak vek turin kan sawm a che u.
  5. Synfo Recording Studio-ah Video leh Voice recording a tih theih a, kohhran hote hmang duh kan awm chuan Synfo Coordinator hnenah dil theih a ni a, hei bakah hian Office Phone no. 2314648 ah pawh biak theih a ni e.
- ❑ **Synod Prison Ministry**  
 April 10 & 11, 2019 khan Chhiahtlangah Serchhip District Jail tlawh leh Bial chhung Kohhrana Awareness Campaign neiin Rev. R. Lalvulluaia, Prison Ministry Director leh committee member te - Rev. Lalsangmuana, Upa C. Lalthianghlina leh Upa C. Malsawmkima te an kal.
- ❑ **Synod Relief Fund**  
 Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Chamring	In chung rial den chhiat	10	Rs. 50,000/-
2.	Lungpho	Vanduaina tawk	1	Rs. 10,000/-
<b>TOTAL</b>				<b>Rs. 60,000/-</b>
- ❑ **Synod Campus Ministry**  
 April 5, 2019 (Zitawpni) khan Synod Higher Secondary School-ah zirtirtute pualin 'Refresher Course Training' neiin hun an hmanpui a, Resource Person atan Upa Professor C. Lalremruata, Principal, Govt. J. Thankima College hman a ni. Training hi hun thumah then a ni a, Session I-na hi Synod HSS Principal Pu Lalvena Hnamte-in kaihruiin Rev. Lalchungnunga, Director, Campus Ministry hnen atangin Campus ministry chanchin tawi ngaihthlak a ni a, resource person-in hun hmang zuiin power point presentation hmangin 'Basic Concept of Education' chungchang a sawi. Session II-na chu Upa Lalduhawma, Teacher-in kaihruiin Resource Person hnen atangin 'Adolescence te harsatna' chungchang sawiin, zirlaite ah value dik leh ethics tha tuh chu zirtirtute mawhphurhna a ni a ti. Session III-na chu Pu P.C Lalrinpuia, Teacher-in kaihruiin Resource Person hnen atangin 'Values, ethics & Education' chungchang ngaihthlak a ni a, zawhna leh chhanna hun hman zui a ni bawk.

- **Hruaina Eng FM Radio**
  - ◆ **APRIL 12, 2019 (FM Zoawi Aizawl @ 7:30 p.m.):**  
Solo : Biakdika(Bda) - Thlarau Thianghlim, **Zaipawl** : Kawrthah Kohhran Zaipawl - Ka Lalpan Isua khawvela a lenlai khan, **Sermon** : Rev K. Lalpiangthara - Lal Isua Lo kal lehna, **Solo** : Belinda L.Sailo - Hmangaih che ka va duh em, **Zaipawl** : Venghnuai Kohhran Zaipawl- Lalpa inah i kal ang u.
  - ◆ **APRIL 12, 2019 (FM Zoawi Lunglei @ 7:30 p.m.):**  
Solo : Debbie Lalnunhlui - Kraws Kalkawng, **Zaipawl** : Lunglei Electric Veng Kohhran Zaipawl - Chhandamtu hnenah kunin, **Sermon** : Rev K. Lalpiangthara - Lal Isua lo kal lehna, **Solo** : Elijah Lalrinawma - Chatuan lungpui nghet, **Zaipawl** : Lunglei Electric Veng Kohhran Zaipawl - Lal Isua kraws hnuaiiah chuan.
- **Hruaina Eng TV Programme**  
**Susamachar Prasaran Programme**
  - ◆ **APRIL 14, 2019 (Pathianni) 5:00 pm. :**  
**Group/Choir/Solo** : Dongkamukam Pastorate Choir - Ne ningdok nei, **Group/Choir/Solo** : Shibani Chetia - Jisu Tumi Je Mohan, **Testimony** : Mr. D.K. Baruah, **Group/Choir/Solo** : Amar Chhetri - Jaana Hai Hamko, **Group/Choir/Solo** : Soni Lalnunsangi - Ashantima
  - ◆ **APRIL 14, 2019 (Tv Programme) @ 4:00 - 6:00, 8:00 - 9:00 p.m) :**  
Weekly Round Up, KTP Kumpulan Film 2019, Tripura Synod Hawna
- **Moderator leh Executive Secretary-te Programme:**  
**Rev. R. Lalhmingthanga : Moderator**  
April 9 - 29, 2019 chung hian International Choral Festival & Wales Kohhran tlawhin a kal.  
**Rev. Lianhmingthanga Sailo : Senior Executive Secretary**  
April 12 & 13, 2019 hian Serchhipah Kohhran ram enfelin a kal ang.  
April 15, 2019-ah Service Board an thu ang.  
April 16, 2019-ah Recruitment Schedule siam that committee an thu ang a, chhunah MTC Graduation Day a hmanpui ang.  
April 17, 2019-ah Pay Anamoly committee an thu ang.  
April 18, 2019-ah TEB committee an thu ang a, zana Phunchawng Kohhranah Lalpa Zanriah Sakramen a theh ang.  
**Rev. B. Sangthanga : Executive Secretary**  
April 15, 2019-ah Service Board an thu ang.  
April 17, 2019-ah Pay Anamoly Committee an thu ang.  
April 18, 2019 zana Ramthar North Kohhranah Lalpa Zanriah Sakramen a theh ang.  
April 21, 2019 ah Kolasib Venglai Kohhran Jubilee lawmna a hmanpui ang.  
**Rev. K. Lalrinmawia : Executive Secretary**  
April 15, 2019-ah Service Board an thu ang.  
April 16, 2019-ah MTC graduation day a hmanpui ang.  
April 18, 2019 zana Leitan Kohhranah Lalpa Zanriah Sakramen a theh ang.  
April 19, 2019-ah Central Jail-ah hun a hmang ang.

### Synod Hospital Charity Fund Chungchang Hriattirna

Synod Inkhawmpui 2018 thurel General 11-na chuan Synod Hospital Charity Fund atana Pathianni zan vawikhat thawhlawm lakkhawm nise tia a rel chu SEC-in bawhzuiin "Kum 2019 Easter Sunday (April 21, 2019) zan inkhawm thawhlawm chu Hospital Charity Fund atan lakkhawm ni se, Synod Office Finance Dept.-ah thehluk ni se" tiin a rel a (Vide SEC 297 : 13). Hospital Charity Fund pual thawhlawm hi Form 'F' hmangin Bial Treasurer kaltlangin Synod Finance Dept.-ah chhun luh tur a ni.

*Synod Hospital-a damlo inenkawlina senso pe thei lo tam takte tanpuina tur a ni tih hrerengin Kohhran hote thahnem ngai turin kan inngen a ni e.*